

Na osnovu člana 19. stava (1) Zakona o putnim ispravama Bosne i Hercegovine ("Službeni glasnik BiH", broj 1/99, 9/99, 27/00, 32/00, 19/01, 47/04, 53/07, 15/08, 33/08 i 39/08), člana 61. Zakona o upravi ("Službeni glasnik BiH", broj 32/02 I 102/09) i člana 19. stava (2) Zakona o Agenciji za identifikacione dokumente, evidenciju i razmjenu podataka Bosne i Hercegovine ("Službeni glasnik BiH", broj 56/08), direktor Agencije za identifikacione dokumente, evidenciju i razmjenu podataka Bosne i Hercegovine donosi

**UPUTSTVO  
O DOPUNI UPUTSTVA O NAČINU ELEKTRONSKE  
PROVJERE PODATAKA**

**Član 1.**

U Uputstvu o načinu elektronske provjere podataka ("Službeni glasnik BiH", broj 45/09) iza člana 3. dodaje se član 3a. koji glasi:

**"Član 3a.**

(Izuzetak od vršenja provjere podataka)

(1) Podaci koje nadležni organi za izdavanje lične karte ili putne isprave u postupku izdavanja lične karte ili putne isprave pribave provjerom od nadležnog općinskog organa uprave važe 60 dana analogno odredbama entitetskih Zakona o matičnim knjigama i Zakona o matičnim knjigama Brčko Distrikta BiH da izvodi iz matične knjige rođenih imaju neograničen rok važenja.

(2) U smislu stava (1) ovog člana, nadležni organ za izdavanje lične karte ili putne isprave neće vršiti ponovnu provjeru podataka u nadležnom općinskom organu i prihvatit će rezultate prethodne provjere izvršene u postupku izdavanja lične karte ili putne isprave, ukoliko od dana uručenja lične karte ili putne isprave nekom licu do dana podnošenja zahtjeva za izdavanje lične karte ili putne isprave od strane tog istog lica nije protekao vremenski period duži od 60 dana i ukoliko se podaci dobijeni prethodnom provjerom slažu sa podacima navedenim u obrascu zahtjeva.

(3) Obrazac zahtjeva za izdavanje lične karte ili putne isprave u pravnom smislu smatra se i izjavom ili iskazom stranke datom pred nadležnim organom uprave i podnosilac zahtjeva je dužan u istom navesti tačne i istinite podatke.

(4) U slučaju neslaganja podataka dobijenih prethodnom provjerom u postupku izdavanja lične karte ili putne isprave sa podacima navedenim u obrascu zahtjeva, nadležni organ za izdavanje lične karte ili putne isprave pokrenut će postupak ponovne provjere shodno članu 3. ovog Uputstva."

**Član 2.**

Na sve zahtjeve zaprimljene nakon stupanja na snagu ovog Uputstva primjenjivat će se odredbe ovog Uputstva.

**Član 3.**

Ovo Uputstvo stupa na snagu osmog dana od dana objavljivanja u "Službenom glasniku BiH".

Broj 15-03-02-2-771/13  
1. jula 2013. godine  
Banja Luka

Direktor  
Mr. **Siniša Macan**, s. r.